



# Bájkkeavijssa NuorttaSálto

# Bálotjektjam ja valástallam bisot árudagáv

Tæksta: Kitty Skapalen  
Jårggálibme:  
Divte Media AS/Idar Kintel

Sámedikkeráde mielas le valástallamásadus dakkir dájma maj baktu bisot árudagáv ja giella- ja kulturávdánahttemav julevsáme guovlon, ja vaddá dan diehti 400 000 krávná dahkoráessesalljuj Ájluovtan.

Mærrádus le dagádum dajn bajemus ulmijn nannit árudagáv, æládusávdánahttemav, ja buorre almulasj dievnastusfálaldagájt álmugij. Dájna duogátjin le sámedikkeráde tjadádum sierra árvustallamav Ájluovta valástallamásadusájt nannit. Dát le árvustaládumv oassen álleslasj strategijas. Loahpádusá duogásj le ávdánahttemprosjækta julevsáme guovlon sierra tjalmostahttemijn Ájluovta- ja Máske-sebrudagájs ja le oasse aktisasj bargosjehtadusás Sámedikke ja Nordlándá fylkkasuohkana gaskan. - Ávdánahttemprogramma galggá gábtjtát juohkka oasev sebrudagán ja galggá liehket doajmmastrategia mij

sihkarasstá ulmmejáksámav. Aktisasj bargoguoyme galggi aktan ruhtadit konkrehtalásj dájmajt ma gulluuj dákki tjoahkke, álleslasj strategijaj boahhteájge árudagájda ja ávdánahttemij, javllá sámedikkeráde.

## Gárves

Fylkkasuohkan le ávdála mierredam avtav millijávnáv dahkoráessesalljuj juollodit. Álles ruhtagálo le merustaládum 5,5 millijávná krávnájda, gánná 2,2 ruhtaduvvi hisstemrudájs, 600 000 le iesjmávsos, akta millijávná le suohkana iesjmávsos ja Norwegian Crystallites ruhtadoarjja 100 000 krávnáj. Gá oadju 400 000 krávná Sámedikke, vájlluji dássju 200 000

krávná ávdál prosjækta le állásit ruhtaduvvam. - Valástallamjuohkusin le áhtsámus Sparebanken Narvik'an, javllá prosjæktavásstediddje Per Arne Ráhka. Sån gávvit ávdep vahkov "sierralágásj vahkon midjij". - Javljá ávdála oattjoima ruhtaloahpádusáv fylkkasuohkanis avta millijávná krávnáj. Ádájakmáno 15. bieje rájaj suohkan áhtsámusáv hisstemrudájda, ja biejet mañjela oattjoima duodastum ruhtadárjav sámedikke. Sæmme bieje aj NC vattij 100 000 krávná, javllá riek dudálasj Ráhka. - Dála ruhtadibme le vargga gárves. Birrusin 14 bieje duogen oadtjop vásstádusáv báñkas, javllá sån.

## Gárves giesen 2011?

Vuodobargujn sjaddi jáhkedahte álget gidán/giesen ja Ráhka mielas e galga nav diertjestit. - Muv dádjadusá milta vuodogábtjás galggá mañep dálve badjel tjuodtjot, vaj le máhttelis hieredit gássjelisvuodajt vuodujn. Dan mañjela máhttep njuolggit ávdál máhtav jállerdip giesen 2011. Jalgga le læhkám vuodo dágástallamij jus tjiektjamsalljo bierru liehket gánná uddni le. Buoremus lij saljov ásadit garra vuoduj, valla de lidjin máksusa sjaddat ietjálágátja, javllá sån.

## 5, 7 ja 11 tjiektijda

Tjiektjamsalljo sjaddá 64 x 100 mehtera. Ájádus le saljov mierkkit guokta saljoda 7 tjiektijda doarrás oajvvesaljos, juohkka tjiektjamásijn 40 x 64 mehterijn. Duodden le máhttelis mierkkit saljojt 5 tjiektijda (4 saljo stuorrudagájn 20 x 40 m) sæmme láhkáj gák saljo 7 tjiektijda. Gæhttijda sjaddá jalgga lulás, mij ij nav álov ietjájduvá saljorievddadimes ja bissu vargga dagu ávdála.

## Hoajddo

Dahkoráessesaljujn e besa bargos ájmon dav anedit, valla le juska binne barggo gá luonndoráessesaljujn. Dahkoráessesaljo gummijijn dievedum vierttiji akti jali guokti vahkkuj bisoduvvat ja dahkoráse vuobde buktá dárbulasj vædtsagijt. Ij le dárbulasj saljov tjáhttjit gá dahkorásen le sæmme friksjávnná juska le luvás jali gájkes. - Jahkásasj doajmma- ja hoajddogálo li merustaládum birrusin 50 000 krávnájda gá barggo væhkkálakkoj bargaduvvá. Boahteájggáj le máhttelis aktan sierralágásj masjijnnav oasstet jali Bådádjos lággit, javllá Ráhka. Gá ij sjatta vuolleliekkas saljon, de jáhkki buoremus le jus dibdepp saljov muohttet dálven ávdál saljov goajvovp snjuktjamáno mañegietjen. De ihkap dáhkki tjiektjat vuoratjismáno álgon. Viessomájgge gummidievedum ásadusáj ij le dábdos, valla vuobde jáhkki le sæmme guhka ájgge gá sáddudievedum dahkorásen, 10 - 12 jage - Dahkoráessesalljo sjaddá arvusmahttem nuorajda. Dat merkaj mij guovlojn aj násstetjietjijt máhttep oadtjot, javllá Ráhka.

## Máhttelis

### sámegilppusav ásadit

Duodden dan bálotjektjamdoajmmaj mij Vuona Bálotjektjamlihtos organiseriduvvá, le Ájluovtan ájnas doajmma mij Sáme bálotjektjamlihtos organiseriduvvá. Bálotjektjamjuohkusa Ájluovtaguovlos li badjel 25 jage oassálasstám sámegilppusijn ja sáme bálotjektjamgilpustallamijn sihke vuona ja svieriga bielen. Dájs li sihke nissun- ja álmájjuohkusa. Guhke le juo ájgodum sámegilppusijt Ájluovtan ásadit, valla dáj nievres salljodilij diehti ij le læhkám máhttelis. Dahkoráessesaljujn sjaddi máhttelisvuoda rahpusit vaj máhttep sáme bálotjektjamgilppusav dánna tjadadit. - Dákki aktivuodan rahpus ádá værált. Bálotjektjam le guovdavalástallam. Valástallam mij tjoahkkij sihke mánájt, nuorajt ja állessjattugijt berustahtek áskos ja etnisitehtas, javllá Ráhka.



PER ARNE  
RÁHKA